



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1859

340. Die Pommerschen Räte zeigen dem Bischofe von Brandenburg und
Lütken von Arnim ihre Absicht an, sich in Prenzlau einzufinden und bitten
um Geleit, am 6. Dezember 1468.

Nutzungsbedingungen

[urn:nbn:de:hbz:466:1-56597](https://nbn-resolving.org/urn:nbn:de:hbz:466:1-56597)

340. Die Pommerſchen Räte zeigen dem Biſchofe von Brandenburg und Pfitzen von Arnim ihre Abſicht an, ſich in Prenzlau einzufinden und bitten um Geleit, am 6. Dezember 1468.

Vnſen diſt na gelegenheit der tyd etc. Erwerdeghen geſtrengen vnd Erbaren Heren vnnnd vrunde. Alzo wy deme ymm laſteſten to prempzlowe yn vorhandelinghe weren, van vnſer gnedeghen Heren weggen an beyden parten, vnd daghe boramet würden up Nicolai to prempzlowe to weſende, dar denne fund den tyden vele anualles angekamen ys van beyden Zyden; ſo hebben nu de vann Sunde ere bodeſcop by vnſen gnedeghen Heren gehad vnnnd eren gnaden borichten lathen, dat iwe Here den dach ſo holden wil. Wil he deme nu alzo dhun, ſo willen vnſe gnedegen Heren deme ok alzo dhun vnd den dach dorch ere redere boſenden, Alzo verne gy myt iwem Heren verſughen, dat de vnſe gnedeghen Heren dar henn ſendende werden, verſekert vnd myt geleyde verwart werden, dat ze velighen vnd vredeſam ane geuerde aff vnd an to dem daghe vnnnd van dem daghe dorch de loke nitze moghen kamen. Ok hefft Her dinighes van der often myt etliken anderen vnſer gnedegen Heren rederen eren gnaden borichtet, dat ze ok yn vorhandelinghe ſyn gewefen myt etliken iwes Heren rederen, dar ze noch nyn antwerde van gekreghen hebben, alze ere affſcheident was. Mochte id to der wiſe kamen, alzo ze vnder den anderen verhandelt hebben, zeghe wy gherne. Kone wy dar ok ichtefwes gudes to dhun, dat ſodane grot verderff der lande, alzo geſcheen vnd noch veroeghet ys, mochte affgekeret werden, dhu wy willichliken gherne noch vnſerm vermoghen, vnd bidden des richtich antwerde by deſſeme baden. Screuen to Oldenſtettin, ame daghe Nicolai episcopi vnder Bernd Boreken Ingeſigel, des wy vns hir to bruken. Anno domini etc. LXVIII^{uo}.

Der Hochgebornen fürſten vnd Heren,
Heren Erikes vnd wartiſlaues,
to Stettin etc. Hertoghen, rederen,
am laſteſten to prempzlowe vergadert.

Dem Erwerdigen yn god, vater vnd hern,
hern Didericke, Biſcoppe to Bran-
denborch, vnd Lutke van Arnym.

Nach dem Originale des Königl. Hausarchives.